



Datum: 5. 3. 2018. godine

POZIV ZA 3. REGIONALNU KONFERENCIJU
„EFIKASNE I ODRŽIVE VODNE USLUGE
U BOSNI I HERCEGOVINI“

Poštovane/i,

Udruženje za oblasti voda i zaštitu okoliša „Aquasan mreža u BiH“ vas sa zadovoljstvom poziva na trodnevnu konferenciju pod nazivom „EFIKASNE I ODRŽIVE VODNE USLUGE U BOSNI I HERCEGOVINI“.

Konferencija će se održati u periodu 17. - 19. 04. 2018. godine u Mostaru, hotel Mepas.

Konferencija je organizirana u saradnji sa Ministarstvom vanjske trgovine i ekonomskih odnosa BiH, Savezom općina i gradova Federacije BiH, Savezom opština i gradova Republike Srpske, Udruženjem „Vodovodi Republike Srpske“ i Udruženjem poslodavaca komunalne privrede u Federaciji BiH kao i Ministarstvom poljoprivrede, šumarstva i vodoprivrede Republike Srpske, Ministarstvom poljoprivrede, vodoprivrede i šumarstva Federacije Bosne i Hercegovine, Ministarstvom poljoprivrede, vodoprivrede i šumarstva Unsko-sanskog kantona i Agencijom za vodno područje Jadranskog mora Mostar. Podršku realizaciji ove konferencije pružaju Njemačko društvo za međunarodnu saradnju (GIZ) kroz Otvoreni regionalni fond za modernizaciju općinskih usluga u Jugoistočnoj Evropi (ORF MMS), Dunavski vodni program (DWP) kroz Međunarodno udruženje vodovodnih preduzeća dunavskog sliva (IAWD) i Svjetska banka.

Partner ovogodišnje konferencije je Švicarska ambasada u Bosni i Hercegovini.

Ciljevi konferencije su:

Opći:

- Podržati unaprjeđenje pružanja održivih vodnih usluga i bolju organizaciju i jačanje ljudskih, organizacionih i institucionalnih kapaciteta u sektoru komunalnih vodnih usluga - vodosnabijevanja i odvodnje i prečišćavanja otpadnih voda u Bosni i Hercegovini (BiH).

Specifični:

- Zajednički razmotriti i definirati naredne korake neophodne za unaprjeđenje zakonodavno - pravnog i institucionalnog okvira za pružanje vodnih usluga u BiH i jačanje horizontalne i vertikalne saradnje među svim akterima u sektoru,
- Kroz razmjenu znanja, informacija, iskustava i najboljih praksi postići razumijevanje o potrebi za sistemskim pristupom jačanju kapaciteta javnih vodovodnih i komunalnih preduzeća (JVP/JKP) i jedinica lokalne samouprave (JLS) u BiH i unaprjeđenju poslovanja JVP/JKP.
- Informirati učesnike o novim programima i projektima međunarodnih finansijskih institucija u oblasti vodnih usluga u BiH,
- Kroz platformu za dijalog postići bolje razumijevanje različitih mogućnosti saradnje između domaćih institucija/organizacija i međunarodnih finansijskih institucija i donatorskih organizacija.

Konferencija će okupiti najznačajnije aktere iz sektora komunalnih vodnih usluga iz BiH i regije. Na konferenciji se očekuje učešće predstavnika JVP/JKP iz BiH koja pružaju usluge vodosnabijevanja i odvodnje i prečišćavanja otpadnih voda, kao i predstavnika njihovih osnivača tj. JLS. Na konferenciji će učestvovati i predstavnici entitetskih i kantonalnih ministarstava poljoprivrede, vodoprivrede i šumarstva, entitetskih i kantonalnih ministarstava koja se bave pitanjima zaštite okoliša/ekologije i komunalnih djelatnosti, entitetskih agencija za vode i entitetskih fondova za zaštitu okoliša/ekologije, predstavnici nevladinih organizacija, obrazovnih institucija, studenti i predstavnici privatnog sektora koji učestvuju u pripremi i implementaciji različitih programa i projekata u sektoru.

Pored institucija i organizacija iz BiH, na konferenciji se očekuje i učešće predstavnika međunarodnih finansijskih institucija tj. agencija za razvoj i saradnju: GIZ, SDC, SIDA, USAID, JICA, UNDP; razvojnih banaka i fondova: Svjetska banka, EBRD, KfW, EIB, SECO, WBIF, kao i predstavnika Delegacije Evropske komisije u BiH. Na konferenciji se očekuje i učešće udruženja vodovodnih preduzeća i udruženja JLS iz država Jugoistočne Evrope (Hrvatska, Srbija, Crna Gora, Makedonija, Kosovo, Albanija), kao i Mreže saveza JLS Jugoistočne Evrope - NALAS, te Međunarodnog udruženja vodovodnih preduzeća dunavskog sliva (IAWD).

Dnevni red konferencije i obrazac za prijavu učešća se nalaze u prilogu pozivnice.

Organizator je osigurao finansijska sredstva za pokrivanje troškova kotizacije i organizacije konferencije kroz projekte sufinansiranja. Troškove prijevoza i smještaja učesnici snose sami.

Za sva dodatna pitanja i informacije vam stojimo na raspolaganju.

Molimo vas da popunjeni obrazac za prijavu učešća dostavite najkasnije do 2. 4. 2018. godine putem e-mail adrese: info@aquasanbih.ba.

S poštovanjem,



Vesna Muslić

Udruženje „Aquasan mreža u BiH“



David Kramer

Švicarska ambasada u BiH



Brankica Pandurević

Ministarstvo vanjske
trgovine i ekonomskih
odnosa BiH




Aco Pantić

Savez opština i
gradova
Republike Srpske



Vesna Travljanin

Savez općina i
gradova
Federacije BiH



Branka Trninić Selim Babić

Udruženje
„Vodovodi
Republike Srpske“

Udruženje
poslodavaca
komunalne privrede
u Federaciji BiH

Podršku realizaciji konferencije pružaju:

